

Yeshua: e Hustisia di Dios!!!

Awor Felipe a buska i haña Natanaèl i a bis'é: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José." (Juan 1:45).

Yeshua; Jesus di Nazarèt: e Lei di Dios Tata!!!.

Sin falta bo mester debilbé e **Garantia** ora solo ta baha, pa e por drumi den **su Mantel** i **Bendishoná** abo; i esaki lo **ta Hustisia** pa bo dilanti **di SEÑOR bo Dios**. (**Deuteronomio 24:13**). "No trose e **Hustisia** ku un stranhero òf wérfano **tin derecho** riba djé, ni tuma bistí di un biuda **komo Garantia**. Kòrda ku bo tabata **esklabu** na **Egipto**, i **ku SEÑOR bo Dios a Redimí** abo for di einan; pesei mi **ta Ordená** abo hasi e kos aki. (**Deuteronomio 24:17-18**).

Yeshua; Jesus di Nazarèt: di Kende e Profetanan di Dios Tata tambe a skirbi!!!.

Mi tabata **bisti mi mes ku Hustisia**, i esei tabata tapami; **mi Hustisia** tabata manera **un Mantel** i **un Tùlban**. **Mi** tabata **Wowo pa e Siegu** i **Pia pa e Lam**. (**Job 29:14-15**). E ora ei e lo hasi **Orashon na Dios**, i **Dios** lo asept'é, asina ku e por mira **Dios Su Kara ku Alegria**, i **Dios** por **Restorá Su Hustisia** na hende. (**Job 33:26**). For di leu lo mi buska **mi Konosementu**, i lo **mi atribuí Hustisia** na **Esun** ku a trahami. (**Job 36:3**). **E Todopoderoso** nos no por haña **EL**; **E ta Ekselente den Poder**; i **E** lo no violá **Huisio ni Hustisia Abundante**. (**Job 37:23**).

Ta kon Felipe por bisa: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José."

Felipe por bisa esaki pasobra:

Yeshua ta e Garantia.

Yeshua ta e Bendishoná.

Yeshua ta e Hustisia.

Yeshua ta e Mantel.

Yeshua ta e Tùlban.

Yeshua ta e Wowo pa e Siegu.

Yeshua ta e Pia pa e Lam.

Yeshua ta e Kara di Dios.

Yeshua ta e Alegria.

Yeshua ta e Konosementu.

Yeshua ta e Ekselente.

Yeshua ta e Poder.

Yeshua ta e Huisio.

Yeshua ta e Hustisia Abundante.

Ta pa e motibu aki Yeshua a bisa: "Boso ta skudrihá e Skrituranan =(e Lei i e Profetanan), pasobra boso ta kere ku ta den nan =(e Lei i e Profetanan), boso tin bida etèrno; i ta esaki-nan =(e Lei i e Profetanan), ta duna Testimonio di Mi; i boso no kièr bin serka Mi pa boso por tin bida etèrno." (Juan 5:39-40).

1 sèptèmber 2019

Sea Bendishoná ku e Amor di Dios Tata; Yeshua Mesias

Un Fiel Sirbidó di Dios,

Remsly L Riley